

Šta se sve pokušava unijeti u zgradu Suda

Policajci klijentima oduzimaju noževe, šarafcigere, eksere



Sudska policija: Na izlazu vraćaju oduzeto

► Kroz zgradu u kojoj su smješteni Kantonalni i Općinski sud Sarajevo dnevno prode oko osam hiljada ljudi, od advokata do sitnih lopova koji se sa slobode brane za džeparenje u tramvaju. Mnogi od njih pokušavaju u sud unijeti ono što se, po zakonu, na ulici ni u džepu ne smije nositi.

Tako službenici sudske policije, koji obezbjeđuju ulaz u ovu zgradu, kod posjetilaca redovno nalaze noževe i čakije svih vrsta, koje su posjetioci suda „slučajno“ zaboravili ostaviti kući, a nije rijetka pojava da se kod posjetilaca nađu šarafcigeri, ekseri ili okasti ključevi. Sve se to, pa i hladno oružje, posjetiocima suda na izlasku vrati, uz urednu potvrdu.

- Šta da mi radimo s tim, sliježu sudski polica-

I novinari bez fotoaparata i mobitela

U sudnicama je najstrože zabranjeno fotografirati ili koristiti mobitel, ali to izgleda ne važi za novinare OSCE-a i drugih stranih organizacija, koje prate rad domaćeg pravosuđa. Domaći novinari, s druge strane, stalno moraju objašnjavati da nemaju sa sobom fotoaparat ili diktafon, te da nemaju namjeru snimati tamo gdje je to zabranjeno.

jci ramenima na naše pitanje zašto se ne poduzimaju sankcije protiv onih koji noževe ili šarafcigere unesu u sud.

Ni mjere obezbjeđenja nisu savršene, pa je tako na jedno osjetljivo suđenje postariji gospodin „prošvercovao“ čakiju.

K.B.